

2) kada je podatak pogrešno prepisan u matičnu knjigu iz akta nadležnog organa (sudska odluka ili rješenje organa uprave ili drugog organa);

3) kada je podatak pogrešno prepisan u matičnu knjigu iz druge matične knjige ili vjerske knjige, na osnovu kojih je obavljen upis tog podatka u matičnu knjigu.

Ispravke podataka iz stava 1. ovog člana mogu se obavljati samo na osnovu sljedećih akata:

1. za podatke iz tač. 1) i 3) stava 1. ovog člana ispravka se obavlja na osnovu rješenja koje donosi nadležna općinska, odnosno gradska služba za matične knjige;
2. za podatke iz tačke 2) stava 1. ovog člana ispravka se obavlja na osnovu rješenja ili sudske odluke na osnovu koje je obavljen pogrešan prijepis u matičnu knjigu, bez donošenja posebnog rješenja.

Utvrđivanje podataka i činjenica koje se odnose na ispravku podataka iz stava 1. ovog člana obavlja se na osnovu javnih isprava koje sadrže te podatke ili drugih dokaza koji se koriste u upravnom postupku.

Administrativna taksa:

1. Izvodi iz matičnih knjiga I uvjerenja o državljanstvu – 3,00 KM,
2. Međunarodni izvodi iz matičnih knjiga – 10,00 KM,
3. Uvjerenje o slobodnom bračnom stanju – 20,00 KM,
4. Uvjerenje o zajedničkom domaćinstvu (namjenjeno za BiH) – 5,00 KM,
5. Uvjerenje o zajedničkom domaćinstvu (namjenjeno za inostranstvo) – 10,00 KM,
6. Smrtovnica za ostavinski postupak – 10,00 KM

Služba za upravu, društvene djelatnosti i zajedničke poslove

Hamdije Pozderca 3,
77230 Velika Kladuša

e-mail: vkkladusa@bih.net.ba

www.velikakladusa.gov.ba

Telefon: 037 775-315, lokal 22

Fax: 037-775-272

Bosna i Hercegovina
Federacija Bosne i Hercegovine
Unsko-sanski kanton
OPĆINA VELIKA KLADUŠA

V O D I Č

za upis u matične knjige i stjecanje državljanstva BiH i F BiH



Velika Kladuša, Januar 2020. godine

Zakonom matičnim knjigama („Službene novine Federacije Bosne i Hercegovine“, broj: 37/12 i 80/14), Zakonom o državljanstvu BiH („Službeni glasnik BiH“, broj: 22/16 – prečišćeni tekst) i Zakonom o državljanstvu F BiH („Službene novine F BiH“, broj: 34/16), propisan je postupak i uvjeti za upis u matične knjige i stjecanje državljanstva BiH.

Upis u matičnu knjigu rođenih

Djeca rođena u braku

Ukoliko su roditelji u braku, potrebni su sljedeći dokumenti:

1. otpusnica iz bolnice za novorođenče,
2. izvodi iz matične knjige rođenih za roditelje,
3. uvjerenje o državljanstvu za roditelje,
4. potvrda o prebivalištu za roditelje,
5. izjava roditelja djeteta (lično ime za dijete i dr.),
6. lične karte oba roditelja,
7. lična karta punomoćnika ako se prijava upisa vrši putem punomoćnika (ovjerena punomoć),
8. rok za prijavu novorođenčeta je 15 dana ako je dijete rođeno u zdravstvenoj ustanovi u svim ostalim slučajevima u roku od 30 dana od dana rođenja djeteta.

Djeca rođena van braka

Ukoliko roditelji nisu u braku, potrebno je slijedeće:

1. otpusnica iz bolnice,
2. izvod iz matične knjige rođenih za majku djeteta i
3. lična karta majke djeteta.

Priznanje očinstva i materinstva:

1. obavezno prisustvo oba roditelja (ukoliko se priznanje vrši pred nadležnim matičarem) ili
2. priložiti ovjereni zapisnik o priznanju očinstva (od strane ograna starateljstva, notara ili suda).

Upis usvojenja

Činjenica usvojenja djeteta upisuje se u matičnu knjigu rođenih na osnovu pravomoćnog rješenja nadležnog organa starateljstva o potpunom ili nepotpunom usvojenju djeteta.

NAPOMENA

1. prijava rođenja djece rođene u zdravstvenoj ustanovi - vrši zdravstvena ustanova, službeno na propisanom obrascu (samo osnovni podaci o rođenju djeteta i majci - druge podatke koji nedostaju dužni su roditelji lično dopuniti najkasnije u roku od 30 dana),
2. prijava rođenja djeteta rođenog kod kuće - u obavezi je roditelja da izvrše prijavu rođenja djeteta, nadležnom matičaru po mjestu prebivališta majke.

Upis u matičnu knjigu rođenih na osnovu inostrane isprave

Činjenica rođenja državljanu BiH i F BiH u inostranstvu upisuje se u matične knjige u F BiH po zadnjem prebivalištu roditelja u F BiH, prije odlaska u inostranstvo.

Od dokumenata je neophodno priložiti:

1. dokaz o prebivalištu roditelja,
2. međunarodni izvod iz matične knjige rođenih,
3. uvjerenje o državljanstvu za roditelje,
4. saglasnost za upis u knjigu rođenih i saglasnost za upis podataka o državljanstvu BiH, F BiH, ukoliko jedan od roditelja nije državljanin BiH, F BiH,
5. saglasnost roditelja za upis u knjigu rođenih podataka o nacionalnosti i vjeroispovjesti za dijete.

NAPOMENA

Ukoliko roditelji ne žele da se upišu podaci o nacionalnosti i vjeroispovjesti rubrike će ostati nepopunjene.

Upis činjenice smrti u matičnu knjigu umrlih

Činjenica smrti prijavljuje se odmah a najkasnije u roku od 24 sata od momenta smrti zdravstvenoj ustanovi radi izdavanja potvrde o smrti.

Od dokumenata neophodno je priložiti:

1. potvrda o smrti,
2. potvrda o posljednjem prebivalištu za umrlo lice,
3. izvod iz matične knjige rođenih sa upisanim zadnjim bračnim stanjem umrlog lica,
4. izvod iz matične knjige vjenčanih,
5. lična karta lica koje prijavljuje smrt.

NAPOMENA:

Ukoliko je istekao rok za podnošenje prijave smrti općinskom organu uprave radi upisa činjenice smrti u matičnu knjigu umrlih (zakonski rok je 30 dana od dana nastupanja smrti), stranka je u obavezi podnijeti zahtjev nadležnom organu za donošenje rješenja o naknadnom upisu činjenice smrti u matičnu knjigu umrlih.

Državljanstvo

U nadležnosti lokalne zajednice je stjecanje državljanstva po:

1. osnovu porijekla,
2. rođenja i
3. osnovu prebivališta na dan 06. april 1992. godine (po sili zakona).

Ukoliko nije izvršen upis, a lice je rođeno na području općine Velika Kladuša, građanin je dužan da izvrši provjeru upisa činjenice državljanstva u matičnom uredu po mjestu porijekla i prebivališta.

Ako upis ne postoji, potrebno je priložiti potvrdu iz matičnog ureda po mjestu prebivališta da nema upisa i dokaz da su roditelji bili državljani BiH i F BiH u vrijeme njegovog rođenja, ili da je osoba imala prebivalište u BiH i F BiH na dan 06. april 1992. godine.

Podnosiocu zahtjeva za lice koje nije rođeno u BiH, a ima prijavljeno prebivalište na dan 06. april 1992. godine u BiH ili su roditelji u trenutku njegovog rođenja bili državljani BiH i F BiH nadležni organ za opću upravu izdaje rješenje o naknadnom upisu u matičnu knjigu rođenih građana BiH sa podacima o državljanstvu BiH i F BiH.

Ispravljanje podataka u matičnim knjigama nakon zaključivanja osnovnog upisa

Ispravka podataka u matičnim knjigama nakon zaključenja osnovnog upisa u matičnoj knjizi obavlja se u sljedećim slučajevima (član 47. Zakona o matičnim knjigama F BiH):

- 1) kada je isti podatak ili činjenica za isto lice različito upisan u matičnim knjigama ili u matičnim knjigama i identifikacijskim ili drugim ispravama;